



Inatsisartunut ilaasortaq  
Niels Thomsen  
Demokraatit

### § 37 naapertorlugu apeqqummut nr. 2011-2 akissut

Inatsisartut suleriaasianni § 37, imm. 1 naapertorlugu apeqqutitit Naalakkersuisut 3. januar 2011-mi tiguaat.

Ilisimatusarfik pillugu Inatsisartut inatsisaat nr. 19, 19. november 2007-imeersoq naapertorlugu Ilisimatusarfik namminersortutut ilinniarsiullunilu ilisimatusarfiummat nammineq siulersuisulik Naalakkersuisut Ilisimatusarfik qinnuigaat apeqqutinnut oqaaseqaqqullugu. Taamaattumik oqaaseqaatit Ilisimatusarfimmeersut akissummut ataaniittumut ilanngunneqarput.

#### Apeqqu 1.

**Pitsaassutsimik Nutaaliornermillu siuarsaaneq pillugu siunnersuisoqatigiinniit qanoq siunnersuisoqarsimava?**

#### Akissut:

Ilisimatusarfiup Ilisimatusarfik pillugu Inatsisartut inatsisaat piviusunngortileruttorpaa. 1. januar 2010-mi nutaamik institutit aqqissorneqarput 2010-milu ukiakkut institutini siunnersuisoqatigiit tamarmik pilersinneqarlutik. Ilisimatusarfik pillugu Inatsisartut inatsisaat naapertorlugu pitsanngorsaannermi pitsaassusermillu siuarsaanermit siunnersuisoqatigiit ilaatigut institutimi siunnersuisoqatigiinnut siunnersuisartuupput institutimilu siunnersuisoqatigiit pitsanngorsaannermi pitsaassusermillu siuarsaanermit siunnersuisoqatigiinnik pilersitsisuuvoq.

Institutimi siunnersuisoqatigiit sulinerat aallartinneqaleruttorpoq tamatumalu kingorna tassani pitsanngorsaannermi pitsaassusermillu siuarsaanermit siunnersuisoqatigiinnik pilersitsineq eqqartorneqassaaq. Pitsanngorsaannermi pitsaassusermillu siuarsaanermit siunnersuisoqatigiit ullumikkut sulii pilersinneqanngillat taamaattumillu taakkunannga sulii siunnersuisoqarani.

#### Apeqqu 2.

**Nunani tamalaani tunngaviit akuerisaasut malillugit atuartitsineramik aqqissuussaasumik naliliinernik suliaqarnissaq sumut killippa? Ukioq ataaseq sinnermagu Naalakkersuisup UKA2009/21-mut akissuteqarneraniit, naatsorsuutigilluinnarlugulu ilimagilluinnarpara naliliisoqarsimassasoq. Taanna ilangussatut nassiutsikkusuppara.**

#### Akissut:

Immersugassamik aalajangersimasumik atuartitsinermillu naliliisarnermik suliarinnittoqarpoq maanna Ilisimatusarfimmi ilinniartitaanerni pisoqqani

14. januar 2011  
Sagsnr. 2011-044291  
Dok. Nr. 539464

Postboks 1029  
3900 Nuuk  
Tlf: +299 34 50 00  
Fax: +299 32 20 73  
Email: kiin@nanoq.gl  
www.nanoq.gl

atorneqartartumik. Taakku siullermik 2010-mi ukiakkut atorneqarput. Atuartitsinermik naliliisarneq naapertorlugu naliliinerit institutini siunnersuisoqatigiit ataatsimiinnerini suliarineqassapput. Atuartitsinermik ingerlaavartumik naliliisarneq ilisimatusarfeqarnikkut nalunaarusiuiffiusassanngilaq. Taamaattorli atuartitsinermik naliliinerit tunuliaqutaralugit malitseqartitsisoqartariaqarneris imaqarniliani allassimasassaaq.

Naliliinermut aalajangersimasumik immersugassaq atorfinissutaasinnaasumik bacheloritut ilinniarnermut suli naleqqussarneqanngilaq. Immersugassaq ilinniartitaanernut taakkununga naleqqussagaq 2011-mi upernaami atorneqarsinnaanngorlugu naammassissangatinneqarpoq.

### **Apequt 3.**

**Ilisimatusarfimmi nunani tamalaani uuttortaait nunanilu tamalaani pitsaassuseritinneqartut naapertorlugit piginnaasaqarfiulersinneqarnissaata sulissutigineqarnera sumut killippa?**

#### **Akissut:**

Rektori suleqatigiissitanik ilinniartitaanernut ilisimatusarnermullu pitsaassutsikkut qularnaarisarnissamut aqutsisarnissamullu kaammattuuteqarnermik siunertaqarfiusunik pilersitsivoq, tassani uuttuutit aalajangersimasumillu atukkat nunani tamalaani atorneqartut pingaartinneqarlutik. Akkrediteringsinstitutionen Ace aamma evalueringsinstitutet EVA suleqatigiissitanut sulisuneersunullu isumasioqatigiisitsisimapput. Suleqatigiissitat maanna pitsaassutsimik uuttuutit sorliit ilisimatusarfiup pitsaassutsimik qularnaarissutissanut atorneqarnissaat pillugu kaammattuuteqarnissamik suliaqaleruttorput. Sulinerup tamatuma 2011-p ingerlanerani naammassineqarnissaa naatsorsuutigineqarpoq tamatuma kingorna akkrediteringsinstitutit taaneqareersut akuliutseqqinneqassallutik.

Pitsaassutsimik qularnaarissutissat ilinniartitaanermi atorneqartussat uppernarsarneqarsinnaanissaat ilisimatusarfimmut pingaaruteqarpoq. Taamaattumik suleqatigiissitanik ilisimatusarfimmi ilinniartitaanerit pitsaassusaannik qularnaarnermik pitsaassutsimillu ineriartortitsinermik suliaqarfimmik pilersitsisinnaasunik pilersitsinissaq siunertaarpiarpoq.

Inussiarnersumik inuulluaqqusillunga

Mimi Karlsen